

SCUELE DI AVOST

22, 25 e 26 di AVOST 2025
AQUILEE, UDIN e GURIZE

La “Scuele di Avost” e je un percors di formazion par insegnants che chest an e rive a la sô novesime edizion. E ven inmaneade dal DOCUSCUELE – Centri regionâl di documentazion ricercje e sperimentazion didattiche pe scuele furlane, ven a stâi il servizi par la scuele de Societât Filologjiche Furlane.

Si trate di un cors di inzornament increditât daûr des Liniis Vuide MIUR pai insegnants de scuele de infanzie, primarie e secondarie di prin grât.

La partecipazion e je libare e gratuite. Si pues iscrivisi a dut il program, dome a une zornade, dome a une ativitât a seconde des vuestris disponibilîtâts.

A la fin ognidun dai insegnants al varà il so atestât di formazion daûr da lis oris fatîs. Dut il percors di formazion al è par 15 oris.

Lis ativitâts a son prime di dut pai insegnants, ma a son benvignûts ancje familiârs e amîs, curiôs di cognossi il nestri teritori.

Si à di iscrivisi a la Scuele di Avost 2025 dentri di joibe ai 21 di Avost jemplant la schede di iscrizion che si discjame dal nestri sît www.scuelefurlane.it te sezion specifiche des gnovis. La schede e va compilade in dutis lis sôs vôs cun particolâr atenzion ae sielte da lis ativitâts di fâ e dopo e va inviade a la direzion di pueste info@scuelefurlane.it. La iscrizion e je valide dome se us rivarà une rispueste di conferme.

Ognidune des ativitâts e à un limit di partecipants, l'unic criteri al è chel dal ordin di rivade de schede di iscrizion. Si domande ancje di visâ il prime pussibil tal câs di impediment a partecipâ par dâ il puest a cualchidun altri.

Pal gustâ ognidun al pues gjestîssal in autonomie.

**DOCUSCUELE – Centri regionâl di documentazion ricercje
e sperimentazion didattiche pe scuele furlane**

li de Societât Filologjiche Furlane, vie Manin 18 – 33100 Udin

0432.501598 (int.5) info@scuelefurlane.it www.scuelefurlane.it



Realizât di



Cul contribût di



In colaborazion cun



MUSEO STORICO E PARCO DEL
CASTELLO DI MIRAMARE
DIREZIONE REGIONALE
MUSEI NAZIONALI
FRIULI VENEZIA GIULIA

**museo archeologico
nazionale Aquileia**

**SEDE
RAI FVG**

Cul patrocin di



SCUELE DI AVOST 2025

22, 25 e 26 di AVOST 2025 **AQUILEE, UDIN e GURIZE**



VINARS AI 22 DI AVOST

des 9.30 a 1.00

cun increditament dai participants des 9.20

AQUILEE, Museu Archeologic Nazional

vie Rome, 1 - (No plui di 30 iscrits)

Salûts de dot.e Marta Novello, Direttore dal Museu

IL MUSEU IN ZÛC

cun Elena Braidotti

Il Museu di Aquilee nus vierç lis puartis par mostrânus ce che i sta daûr:

- la logjiche dal gnûf alestiment che al mene pardabon i visitadôrs intun zîr te citât antighe di Aquilee,
- i dipuesits e la aule didatiche cu la programazion pal 2025-2026 de ufierte formative pes scuelis (EducA – Servizio educativo del sito UNESCO di Aquileia),
- la presentazion di “Il Museu in zûc”, i gnûfs materiâi didactics in plui lenghis par une visite ative tal Museu.
(i materiâi a saran dâts fûr ai participants)

IL TESAURO DI AURELIANUS

cun Barbara Jelenkovich

Un libri illustrât pai fruts in cuatri lenghis par fâ un zîr pes stradis di Aquilee in compagnie di Aurelianus, Hermes, Rufus e Saturninus, cuatri fantacins che nus mostrin la basiliche, il forum, une cjase, il puart, la taverne, il marcjât, lant fin li dal canelâr dilunc dal flum... une Aquilee rapresentade tal detai grazie al lavôr filologic fat di une grande ilustradore: Barbara Jelenkovich, 40 agns di carriere te editorie cun plui di 200 libris fats in dut il mont in 42 lenghis diferentis. Barbara nus mostrerà cemût lei e doprâ chest imprest didatic par insegnâ une pagjine fundamentâl de nestre storie.

LUNIS AI 25 DI AVOST

des 9.30 aes 5.30 dopomisdì

cun increditament dai participants

des 9.15 e polse pal gustâ des 12.30 aes 2.00 dopomisdì

UDIN, PALAÇ MANTICA

sede de Societât Filologjiche Furlane

vie Manin, 18 - (No plui di 50 iscrits)

Des 9.45 aes 12.30

Salûts dal prof. Federico Vicario, President de Filologjiche

SAPERI AL SETACCIO:

LE UNITÀ DIDATTICHE DI APPRENDIMENTO

Ada Bier

Parcè il CLIL? Une introduzion metodologjiche ai materiâi

Linda Facini e Anna Zossi

A ogni plat la sô stagjon! Presentazion de U.D.A. 1

Tamara Pozzebon

Vite e vitis dai ogjets. Presentazion de U.D.A. 2

Donatella Bello

Lis lidris di une civiltât. Presentazion de U.D.A. 3

Ada Bier

Conclusions: pussibilitâts operativis

(la publicazion e vignarà dade fûr ai participants)

Des 2.00 aes 3.30 dopomisdì

• OLMIS 2025-2026

Diari torzeon par cognossisi e fâsi cognossi

La Protezion Civil e i 50 agns dal Orcolat

Presentazion e laboratori cul DOCUSCUELE

Par insegnants di scuele primarie

(il diari al vignarà dât fûr ai participants)

• BUINE GNOT TEO | BUONANOTTE TEO | GOOD NIGHT THEO

Presentazion dal libri illustrât pai fruts (3-8 agns) e laboratori cun **Barbara Jelenkovich**, autore des ilustrazions.

Par insegnants di scuele de infanzie e primarie (prin cicli)

(il libri, publicât de SFF, al podarà jessi comprât in sede ancje cu la cjarte dal docent)

Des 4.00 aes 5.30 dopomisdì

LA TV DAI FRUTS

Presentazion cun **Arianna Zani** dai prodots televisîfs realizâts de RAI FVJ pai plui picui: “Nine e Olghe” e “Juli cunin” tant che imprescj pe didatiche a scuele.

Laboratori “L’ABC dal dopleadôr” cun **Serena Fogolini**

MARTARS AI 26 DI AVOST

des 9.30 aes 5.00 dopomisdì

cun increditament dai participants

des 9.15 e polse pal gustâ di 1.00 aes 2.30 dopomisdì

GURIZE, CJASE ASCOLI

sede de Societât Filologjiche Furlane

vie Graziadio Isaia Ascoli, 1 - (No plui di 30 iscrits)

Des 9.30 a 1.00

SCONFINAMENTS:

ae scuvierde di Gurize e Gnove Gurize,
capitâl europeane de culture 2025

Sot la vuide di ecezion di **Feliciano Medeot**, Diretôr de Filologjiche, o larin a la scuvierde di lûcs che a contin la storie di une tiere di frontiere: il convent francescan de Castagnevize, la place principâl di Gnove Gurize, Salcan cul so puint, la Place Transalpine e tant di plui... Une bieles cjaminade intun percors a anel cun partence e rivade li de sede gurizane de Filologjiche in Cjase Ascoli.

Us consein di lassâ la machine tal splaç di vie Italico Brass e di lâ sù par lis scjalis che a puartin dret in vie Ascoli. Us raccomandin ancje scarpis e vistits comuts, aghe e tante voie di cjaminâ parcè che il zîr al à une durade di uns dôs oris.

Des 2.30 aes 4.30 dopomisdì

DIZIONARIO DEI GORIZIANI

Presentazion de publicazion, editade de Societât Filologjiche Furlane cun contignûts didactics, par cure de autore, la prof.e **Elisa Brumat**.

LIS LENGHIS DI GURIZE

Visite ae mostre permanente di Cjase Ascoli su Gurize tant che lûc di passaç e di incuintri di popui e di culturis diferentis.

